

Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **66 (2004-2005)**

Heft 5: **Sexualpädagogik und AIDS-Prävention**

PDF erstellt am: **22.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Commentari tier in «tsunami» sursilvan

da Martin Mathiuet

Savevas Ti tgei ch'in TSUNAMI seigi – jeu buc! Las consequenzas ein sgarscheivlas e nuncapeivlas. La natira ha puspei mussau a nus ina gada dapli cun tgei pussonza ch'ella sa seprentar e con svaneivels nus humans essan atgnamein! En quei senn stuess ins far in punct e quescher! Tonpli sch'ins ei staus en quella regiun e ha viu il paradis leu (sco turist).

Quei maletg dall'unda furibunda che savi-schina alla riva ch'jeu hai viu alla televisiun persequitescha mei! Ed jeu vegnel a seser l'autra gada alla mar cun auters sentiments che tochen ussa, malgrad che la mar haveva gia laguti avon il Tsunami terribel ella Asia dus da mes collegas e dau els a nus terrestres sco baras – silmeins sco baras!

Els raussien en pasch!

Ins perstgisi sch'jeu prendel quei maletg dall'unda furibunda ch'ins vesa e sa ch'ella vegn e destruescha tut quei che stat si per si per tematisar in problem che s'avischina alla Surselva ed allas autras regiuns perifericas, bein calculabels mo nunevitabels! E biars da nus miran el tschiel blau sco turist alla riva ed ein gnanc cunscients tgei che schabegia atgnamein.

Aunc ha la Surselva 14 scalems superiors da scola populara. Leutier vegn ina buna purschida ella scolaziun professiunala ed en scola media. Il svilup demografic – las naschientschas en Surselva sereduceschan da ca 600 per onn els onns 60/70 giu sin rodond 200 egl onn 2002 – il niev sistem da subvenziun dallas scolas popularas dil cantun (mesiras da spargn), la situaziun finanziaria da biaras vischnauncas e l'introducziun dil niev concept per il scalem superiur cun la promoziun dil model C sforzan las autoritads corrispundentas da tscher-car ina soluziun responsabla pil futur. Gl'inspectorat da scola dalla Surselva ha realisau la problematica che s'avischina ed ha envidau ils pli pertuccai ad in'informaziun e discussiun.

Ussa ein ins vidlunder da studegiar co ins vul sligiar quei problem. Co la sligiazion per il scalem superiur dalla Surselva vesa ora stat ellas neblas. Sch'ei resta la finala treis, quater ni tschun centers pil scalem superiur en Surselva ei il mument speculaziun. Segir denton ei ch'ei dat ina restructuraziun radicala che pretenda da tuts ultimativamein il cumiau definitiv da bia da quei che pareva e secapava da sesez. Quei ton per scolarAs, geniturs, scolastAs ed autoritads. Ei vegn buc a restar bia auter che d'acceptar che l'organisaziun, la logistica da scola mo era la didactica e metoda d'instrucziun ston ir sur ils cudischs da camifò. Sil pli tard cu in agen affon ha da far in via di da scola da pli che duas uras per di (ed il bab e/ni la mumma ca tuttina bia per ir a luvrar) vegnan ils geniturs a sedumandar sch'ei fussi buc pli prudent da midar casa! Tgei schabegia cun nos vitgs, nossa cultura, nies lungatg?

E tgei sei cun las consequenzas economicas? Ina roscha plazzas da scolasts vegnan a svanir en Surselva. Biars pagataglias vegnan a muncar e tgi baghegia aunc casa, sche buc ils scolasts e las scolasts. Tgei schabegi cun il stagner, il miradur, il sorprendider? Sil pli tard cu quei capetel da nossa historia ei screts forsa ch'ins realise-scha tgei muntada economica che la scola ha en Surselva ed ellas regiuns perifericas insumma. Las scolas ch'ein commembras dalla «formaziun bildung regiun surselva» (scolas medias, professiunalas e purschidas da formaziun per carschi) – per prender in exempel – pagan onn per onn ca 9 milliuns

pagas a personal d'instrucziun. Tgei capital d'investiziun che vegn mess en rocla cheu-tras han certins ord l'economia e politica aunc buca capiu. Sch'ins pren la «formaziun bildung regiun surselva» sco holding fuss quella ina dallas pli grondas interpresas dalla Surselva. Forsa ch'ins vegn plaunsiu cunscients dalla muntada era da quella sparta economica e tarmetta meins scolars ed emprendists ord la regiun per l'instrucziun. Ord optica regiunaleconomica eis ei ina camelaria da promover la monocultura dil turissem d'unviern. (Ord optica da menaschi dalla branscha hai jeu tutta capient-scha per quei). Il traffic da Flem-Laax sa buca pli che dar ensemen. Igl ei neras uras da dar cunterpeisa e tschintschar «clar-text». Sche nus lein restar vinavon ina regiun attractiva nua ch'ei vala la peina da prender dimora, ha ei num da semetter ensemen subito, emblidar protecziunissen e particularissem, tscher-car el desaster ina schanza, concentrar las forzas ed ir cun vigur ell'offensiva! Ina schanza havein nus mo sco regiun! Schanzas da crescer economicamein havein nus cun la formaziun, cun la tecnologia da comunicaziun ed informaziun, cun la cultura ed il lungatg romontsch singular (in capital che negin ha, perquei eis ei bein in sbagl nunperdunabel da marketing da montar tablas tudestgas allas portas dalla Surselva), cun nossas cum-petenzas da convivenza ella pluricultura, cun noss'aua, nossa cuntrada, il turissem da stad, cun products da qualitat exclusiva, etc. Mintgin ha potenzial... alla lavur!

